

S.72(1)
6/12

00-16

72

indexed

31-850^{1.}

Tlôkwa

G.B. Molefe.

K31/126

1/3

Sekonyela wa at Thaba Bosiu.

NTOA EA SEKONYELA THABA-BOSIU.

Pp. 1-3

1. Ha Letsie le Mohato bara ba Moshoeshoe ba bolotse, Moshoeshoe o na romele Khoho ntata Mathata, ho Sekonyela, morena oa Batlokoa hore a bolelloe hore Moshoeshoe o ea koana ha Kobo ho ea batlela bashanyana ba mophatong likobo tsa ho tsoa, ka ha e ne e le moetlo oa Basotho. Joale Moshoeshoe o na batla hore a tsamaee le Sekonyela. Eitse Sekonyela a e-so ho arabe, batho ba hae ba araba ba re, ha Kobo ke hole-hole ba ea tseba, moo e neng ere mohlang ba ne ba ile teng ba shoa ke tlala, e mong oa bona a ba a alima ntja ho mora Motonosi e leng Motlokoa, ba e ja Joale he ba se ba tsaba.

Hoba Moshoeshoe a utloe, a re ho Khoho a boele hape a re ho Sekonyela ha a sa tsoelle a sale a bona ka hae a binela Mohato hoba o na a ratuoa haholo. Eaba Moshoeshoe o ea tsamaea. Ea na be eitse mohla ntoea ea lipitsana, Mokakailane, hoba ntoea e loane, a thoba ho Sekonyela a ea kena ho Moshoeshoe, a re a mo thole o batla khotso. Moshoeshoe efela a mo amohela a mo isa ka lapeng habo Kali. Joale mohlang oo, ha Moshoeshoe a ea ha Kobo, eare hoba Mokakailane a utloe hoba Sekonyela o hanne ho ea ha Kobo, a re oa kula, o jeoa ke mala.

Hoba Moshoeshoe a tsamaee, Mokakailane a thoba Thaba-Bosiu a ea ho Sekonyela a re likhomo li setse le maqheku le basali, Moshoeshoe o ile mophatong. Tseo ha li fihla ho Sekonyela a tloha Joala-Boholo. Eitse ha bosiu bo oela fatse a nyoloha Thaba-Bosiu.

Maloma Moshoeshoe, Ratsiu, a hlabela sechaba mokhosi. Kabo tsa Batlokoa li ne li setse moo mora ntoea ea Seciti, moo ho ileng ha hlongoa motse oa Masopha, morena (ntatae moholo oa Alex Masopha, ke batho ba mali

bao. Ba ne ba bulele makhomo masakeng, ha hatjoa le basali, mafumahali bo-'Mamohato ka bo-'Masekhonyana.

Habo Mohato ho no ho le teng sethala seo Moshoeshoe a neng a hloela ho sona ho etsetsa hore a phahamele batho pitsong, hobane ba ne ba eba bangata ka mokhoa o makatsang. Sekonyela o na a hloelle ka holima sona a etsisa

3. Moshoeshoe ha a bua a na a hlapanya ka 'Mamile, khaitseli ea Moshoeshoe. Se seng sehlopha sa Sekonyela se ne se kene mophatong. Bashanyana ba ne ba balehe le likhomo tseo ba neng ba lihama, hoba ho no ho le teng tlala e kholo. Bashemane ba ne ba phela ka mokopu-ntja. Ba theoha noka eo ho thoeng ke Phuthiatsana. Eitse hoba ba bone hore Batlokoa ba ba setse morao, Mohato a nehela bashanyana le mesuo. Batlokoa ba ne ba hloloe. Eitse hoba bashanyana ba thusoe ke mokhosi o mong o nong o fihle ba chalana Batlokoa. O mong mokhosi oa Sekonyela oa na oa kena Ntlokholo ea Makhabane. Khomo tsa Makhabane li ne li hatjoe. Monna e mong oa hlakore la ka ha Makhabane o na a bolae Motlokoa e mong. Mohla Batlokoa ba boeang ba tsoa ka khalo la ha Rahebe. Ba bang ba ne ba nyolohela ka holimo ho Sekonyela ba 'molella hore ba se ba felile. Ha Sekonyela a utloa tseo a theoha Thaba-Bosiu a thiba makhomo a ea tsoa ka khoro ea ha Rafuthu. Mekhosi ea Ratsosane le e mong ea thiba likhomo ka mose ho Phuthiatsana.
4. Sekonyela a re ho basali ba neng ba hapiloe ba tsoele pele. Eitse ha Batlokoa ba neng ba tsoile ka lekhalo la ha Rahebe ba kopana le 'Mabathoane le Shele Qiloane moo ho ileng ha fihlela Baphuthi Batlokoa ba ne ba hloloe.

Moo mekhosi ea Moshoeshoe le ea Sekonyela e seng e kopane teng kaofela, Sekonyela a re 'Mamohato a tle ho eena. Mphi ea Moshoeshoe eitse ha e bona Mofumahali,

K31712

4 cont.

'Memohato, a le haufi ea loana ka matla ba ba ba qhalana Batlokoa eaba basali ba fumana sebaka sa ho kheloha ba lula fatse. Tsa na tsa thijoa kaofela likhomo. Batlokoa ba ne ba balehe ho ea fihlela Sefikeng. Mokakailane eene a neng a hlabele Batlokoa mokhosi o ile a ka a tsoaroa lehaheng la Songoane, ba 'motsa hore ho entse joang ha a ntse a baleha le Batlokoa. Ba neng ba tseba ketso ea hae, ha ba fihla ba 'molaea.

Empa e ne e re mohla Moshoeshoe a fihlang a ntsa pholo tse 'ne, a roma Khoho hore a li ise ha Sekonyela. A re ho Khoho a tle a re ho Sekonyela o maketse ha a fihla mophato o chele, a be a botse hore mophato o chesitsoe ke eng, e ne e fele ka kae ho Sekonyela. A na a soaba a oma mathe ea ka khoho e ponngoe molomo, a hloka karabo.

end s 72